



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-60-16/19

Sarajevo, 07.05.2019. godine

Na osnovu članova 69. i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine glavni tužilac Tužilaštva-Tužiteljstva BiH d o n o s i

O D L U K U O
PONIŠTENJU POSTUPKA JAVNE NABAVKE

Član 1.

(Predmet odluke)

Poništava se postupak javne nabavke auto guma za potrebe Tužilaštva-Tužiteljstva BiH.

Član 2.

(Razlog poništenja)

Postupak se poništava zbog drugih dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja javne nabavke.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na portalu javnih nabavki: <https://www.ejn.gov.ba/>, broj obavještenja: 435-7-1-135-3-25/19 od 12.10.2018. godine, tj Ispravka obavještenja o nabavci broj 435-7-1-135-8-27/19 od 08.02.2019. godine. Primljeno je četiri važeće ponude ponuđača:

- Guma M d.o.o. Sarajevo po cijeni od 8.829,50 KM sa uključenim PDV-om;
- RPM Glob Trade d.o.o. Ljubuški po cijeni od 10.242,18 KM sa uključenim PDV-om;
- EURO DAM-JAS d.o.o. Sarajevo po cijeni od 10.332,79 KM sa uključenim PDV-om i
- Unitrade d.o.o. Ljubuški Sarajevo po cijeni od 9.331,33 KM sa uključenim PDV-om.

Nakon provedene e-aukcije donesena je Odluka o izboru najpovoljnijeg dobavljača broj A-60-9/19 od 21.03.2019. godine, po kojoj je najpovoljniji dobavljač bio Guma M d.o.o. Mostar.

Rješenjem broj JN2-01-07-1-747-7/19 od 11.04.2019. godine Ured za razmatranje žalbi usvaja žalbu dobavljača „EURO DAM-JAS“ d.o.o. Lukavac, te na osnovu istog Tužilaštvo –Tužiteljstvo BiH poništava Odluku o izboru najpovoljnijeg dobavljača broj A-60/9 od 21.03.2019. godine i nastavlja postupak javnih nabavki.

Postupak javnih nabavki je prekinut iz tehničkih razloga / jer se greškom poništio postupak u sistemu/, te na osnovu pismenog odgovora Agencije za javne nabavke došlo se do zaključka da trenutno ne postoji tehnička mogućnost ispravke/povlačenja napravljene greške/, odnosno ne postoji mogućnost da se aukcija zakaže ponovo za postupak koji je u sistemu poništen, te jedino rješenje jeste da donesemo Odluku o poništenju postupka, te isti pokrenemo ponovo u zakonski predviđenim rokovima.

Obzirom na navedeno odlučeno je kao u dispozitivu ove odluke.

POUKA O PRAVNOM LIJEKU: Žalba se izjavljuje Uredu za razmatranje žalbi Bosne i Hercegovine putem Tužilaštva-Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.



Dostavljeno:

- Ponuđačima,
- Odjelu za materijalno-finansijske poslove